

1870

4

DECLA-
RATION DV ROY
du mois de Decembre,
1593. 367

M. D. XCIIII.

Case

F


39

.326

1594 fs

THE NEWBERY
LIBRARY

M. D. XXIII



DECLARATION DV
ROY.



ENRY par la grace de Dieu Roy de France, & de Nauarre, à tous ceux qui ces presentes lettres verront, Salut. Nous reconnoissons qu'apres le repos Eternel, nous ne pouuions desirer de Dieu vne plus grande grace que celle qu'il nous a faicte, de nous donner la resolution de receuoir instructiõ en la religion Catholique Apostolique & Romaine, & d'en faire apres la profession que nous en auons faicte pour y viure, & mourir comme ont faict les Roys noz predecesseurs, dequoy nous ressentons en nostre ame vn tel contentement, que nous benissons incessamment l'heure & le iour que ce bon heur nous est adueni, lequel nous

iouyffons avec autant plus de reuerence, &
 perpetuelle action de graces, que nous sca-
 uons l'auoir receu de la seule bonté de no-
 stre Dieu, par l'inspiration de son S. Esprit,
 qui a fait en cela vne œuvre de la diuine
 prouidence si visible, qu'ainsi que nous ne
 presumons point en meriter enuers le mô-
 de aucun honneur, & gloire, aussi n'estimōs
 nous pas que personne nous puisse imputer
 que nous y ayons esté esmeuz par aucune
 consideration temporelle, ny rien trouuer à
 blasmer & redire en la substance, & en la
 forme de lacte public, & solemnel qui s'en
 est ensuiuy, y ayant pour nostre regard ap-
 porté toute la sincerité de cœur, de zelle, &
 d'affection qu'il nous a esté possible: & pour
 les formes exterieures, toutes les reigles &
 ceremonies ordonnees de l'Eglise, & par les
 saincts decrets, y ayant esté selon leurs de-
 grez soigneusement obseruees, nostre In-
 struction nous ayant esté dōnee à plusieurs
 & diuers iours par vn bon nombre choisi
 de prelats des plus anciens, & des mieux
 callifiez pour la probité & bonne vie, &
 pour la doctrine & congnoissance des sain-
 ctes lettres, qui soient en ce royaume: & de
 plusieurs docteurs en la sacree faculté de

5

Theologie ; nostredicte Instruction apres
suiuie de nostre repentāce & confession de
foy, puis l'absolution que nous en auons re-
ceue , & par apres de nostre admission par
eux en l'Eglise, à la veue de tout le peuple,
& avec vne telle allegresse, & applaudisse-
ment , que l'air retentit des louanges & câ-
tiques qui en furent enuoyees au Ciel, non
seulement par noz bons subiectz qui ne se
font point departis de nostre obeissance,
mais par ceux mesmes qui en ont esté des-
uoyez speciallement de nostre ville de Pa-
ris, qui y estoient accourus à grandes trou-
pes, pour estre spectateurs de ce saint my-
stere : Auquel si nous auons desiré l'inter-
uention de l'auctorité de nostre saint pere
le Pape, les Princes, Prelats, officiers de ce-
ste couronne, & autres Seigneurs de nostre
conseil tous catholiques , sous les noms
desquels fut despesché vers sa Sainteté. Le
sieur Marquis de Pisany dès le moys d'O-
ctobre mil cinq cens quatre vingis douze,
nous en sont bons tesmoins avec la longue
patience qu'auons eue pour en attēdre l'ef-
fect. Mais les artifices des Espagnols , & le
trop de pouuoir qu'ils ont vsuré à Rome
sur la liberté qui y doit estre commune,

iusques à y entremesler des menaces enuers
 sa saincteté, comme c'est chose notoire, y
 ayât empesché l'accez audit sieur Marquis,
 nous n'auons peu moingts faire, pour assu-
 rer le repos de nostre conscience en la reso-
 lution qui Dieu nous auoit inspiree, & eui-
 ter les inconueniens que le delayement
 nous y pourroit apporter, que d'vsr des
 moyens & remedes ordonnez par l'Eglise
 en semblable occasion & necessité: Selon
 lesquels il y auroit esté procedé avec reser-
 uation faiëte par lesdits prelatz, & promesse
 de nostre part de satisfaire à ce qui appar-
 tient à l'auctorité de sa saincteté, comme
 chef de ladite eglise en terre, ainsi que nous
 l'aurions recongneu par nostredicte profes-
 sion de foy, & ne nous permettât l'estat des
 affaires de ce royaume, d'y satisfaire en per-
 sonne, nous y auons voulu supplier par la
 plus honorable ambassade qui nous a esté
 possible, ayant choisi nostre cousin le Duc
 de Nyuernois, qui est assez recongneu, &
 dedans & dehors ce royaume, pour accom-
 pagner la grandeur de sa maison d'autant
 de vertus & bonnes qualitez de l'ame, & de
 la conscience, qu'autre Prince de ce siecle,
 pour aller en nostre nom faire les submis-

sions requises à nostre dit saint Pere, recevoir sa benediction, & luy faire & prester l'obedience que nous desirons luy rendre à l'exemple des Roys noz predecesseurs: Enquoy nostre dit Cousin à tant voulu meriter, non seulement de nous, & de cest Estat, mais aussi de la religion catholique, que pour l'importance qu'il a considéré qu'estoit le voyage, sans auoir esgard à sa santé trop incommodée de ses blesseures, il a courageusement entrepris, & luy est si bien succédé que nous auons aduis qu'il est Dieu mercy arriué en bonne disposition pres de sadicte Saincteté. De laquelle nous scauons qu'il a esté fauorablemēt receu, & benigne-ment escouté, ne doutant point que ce S. Pere, duquel tous les tesmoignages s'accordent qu'il s'en doit esperer beaucoup de bien pour toute la chrestienté, n'ayt biē tost avec l'ayde d'vn si bon, & veritable interprete, que nostredit cousin, pētre à la parfaite congnoissance de l'Estat des affaires de ce royaume, & des causes des remuemens qui y font, & veu claiemēt ce qui en a esté caché, & couuert depuis cinq ou six ans à ses predecesseurs, qui n'en ont iamais iugé n'y rien congneu qu'au trauers des pas-

fions, & artifices des ennemis coniuerez, &
 declarez de cest Estat, desquels ils se font
 tousiours laissé assieger, & enuironner, de
 sorte que nulle iustification n'a iamais peu
 estre admise aupres d'eux de la part du feu
 Roy nostre tres-honoré seigneur & frere, ny
 de la nostre, lefdits Espagnols ayant fait vn
 peché irremisibile à toute personne, qui eust
 seulement pensé qu'il se deust faire main-
 tenant que toutes ces tenebres seront dissi-
 pees par la presence, & le rapport de nostre
 dit cousin. Nous nous assureons que sa
 Saincteté estant bien informee de ce qui
 s'est passé en nostredite conuersion, iugera
 combien sont fausses les calomnies qui luy
 ont esté rapportees contre icelle, par ceux
 qui apprehendoient plus le desaduantage
 qu'ils en debuoiert receuoir en leurs des-
 seings, qu'ils ne plaingnoient qu'elle valut
 assez pour nostre salut, ils n'aurôit au moins
 peu dire avec verité que ce que nous en a-
 uons fait ait esté pour apprehension, que
 ne le faisant point, noz seruiteurs Craholi-
 ques fullent pour nous abandonner: Car ils
 ne furent iamais plus entiers & confirmez
 qu'ils estoient lors en la fidelité, & obeissan-
 ce qu'ils nous ont tousiours rendue: S'estans
 contentez

13
cōtentez de recourir à Dieu par leurs vœuz
& prieres, pouden obtenir nostre conuertiō,
sans auoir iamais procedé avec nous par
aucunes protestatiōs ou demādes, qui ressen-
tist aucune froideur ou chāgement en leurs
fidelitez, & affectiōs. Dōt moins auroient
ils peu soustenir que sceust esté par frayeur
& crainte pour nous auoir osté ceux qui e-
stoient esleuez en armes contre nous plus
formidables qu' auparauant, par ce qu'il est
trop manifeste qu'ils n'ont point esté de
tous ces troubles plus toibles & abbatus,
qu'ils estoient lors, comme ils le verifient
bien par le siege qu'ils nous souffrirent te-
nir deuant la ville de Dreux, qui n'est di-
stante de celle de Paris, que de seize lieues,
ou tous leurs chefs estoient assemblez, &
la laisserent neantmoins prendre, sans auoir
peu mettre ensemble dequoy pouuoir dō-
ner vne seule alarme à nostre armee. Ils
doibuent encores moins estre escoutez,
s'ils vouloient dire que nostreditte Cōuer-
siō fut feinte & simulee, & qu'elle n'ait esté
faicte qu'à art & dessein, car ce seroit vne
presumption qui ne peut estre de Chrestie,
de vouloir partager avec Dieu la puissance
qu'il s'est voulu reseruer pour luy seul, de

de iuger les intentions: Aussi en attendons nous de luy la lumiere, & le iugement de ce que pour ce regard nous en portons sur le cœur. Quāt à l'exterieur, qui est cela qui peut estre au telmoignage des hommes, encores que noz œures ne soient si bonnes ne si parfaites enuers luy que nous le desirerions: Toutesfois nous nous en rapportons tousiours aux plus seueres obseruateurs de noz actions, non passionnez, s'ils ont rien recongneu en nous qui se demente de la profelcion que nous auons faite en ladicte religion Catholique, ce que nous esperons bie de iustifier tousiours de mieux en mieux, pour nous rendre autant dignes que nous pourrons, de ceste singuliere grace que Dieu nous a faite, laquelle nous ne presumons pas estre pour nostre particulier salut seulement, & que nostre ame luy soit plus chere, & precieuse que d'aucun autre Chrestien, si ce n'est aurant que par nostre exemple nous pouuons faire plus de bien, ou de mal que les autres: Mais nous attribuons la principale cause aux saintes prieres, & oraisons des gens de bien de ce roy-aume, aux cris, & gemissemens des veufues, & orphelins, qui l'ont esmeu à regarder de

son œil de pitié la desolation de cest Estat,
auquel il a iugé que nostreditte Conuersiō
estoit vn singulier remede pour le guarir
de tous ses maux, & y establi la paix, & vn
perdurable repos: & l'ayant ainsi compris,
& interprete de nostre part, l'intention que
nous y auons tousiours eue, s'eschauffa &
anima encores d'auantage, & au mesme
temps ayant fait reprendre les traictez de
la Confedence qui auoit este tenue deux
mois auparauant, lesquels estoient demeu-
rez languides, & sans aucun effect, nous les
feismes poursuiure, de sorte que nous con-
traignismes les chefs de la Ligue de com-
prendre & cōseiller que la paix estoit neces-
saire, mais par ce qu' auparauant que d'en
traicter au fond, comme c'estoit nostre de-
sir & dessein, ils desiroiet qu'elle fust prece-
dee d'vne trefue de trois mois, sous le pre-
texte d'auoir temps & loisir d'enuoyer de
leurs deputez vers la Sanctete, pour luy
faire trouuer bonne ladicte negociation de
la paix, nous nous contentames pour les
entretenir en ceste bonne opinion, de leur
accorder non seulement ladicte trefue pour
trois mois, & faire en cela chose qui n'auoit
iamais iusques icy este faite en guerre de

souleuation, comme ceste cy, mais aussi en
 ladicte trefue, nous desmettre tant de no-
 stre autorité, que si l'intention & la fin que
 nous nous en propositions ne nous seruoit
 d'excuse, nous en pouuons estre iustement
 blasmez, mesmes en la tollerance que nous
 auons faite, que uoz pauures subiects fus-
 sent pendant icelle surchargez de doubles
 tailles, qui est ce qui a esté extorqué de nous
 avec plus de regret. Ladicte trefue estant
 conclue & arrestee, publiee, les chefs de la
 Ligue, se monstroient les plus ardens à l'ad-
 uancement de la legation de Rome, & s'en
 rendoient conseillers & sollicitateurs, ce qui
 nous faisoit tousiours auoir meilleure opi-
 nion de leur intètion: & de fait nous pres-
 sasmes nostredit Cousin de partir, lequel
 voulut bien faire tout indispósé qu'il fust,
 preferant en cela le seruice de Dieu, & le
 bien de cest Estat, qu'il estimoit dependre
 de ce voyage aux incommoditez de sa san-
 té, peril, & longueur du chemin, & s'ache-
 mina en la meilleure diligence qu'il luy fut
 possible, eux au contraire, avec nouvelles
 excuses gaignoient tousiours le temps, sans
 faire partir leurs deputez pendant ladicte
 trefue, nous auons esté songneux de l'auoir

fait exactement obseruer, afin que nul ac-
 cident de contrauention ne peust gaster &
 diuertir vn si bon affaire: mais de leur part
 tout autrement ils se sont tousiours licentiez,
 & en plusieurs lieux vescu durant la trefue,
 comme ils faisoient pendant la guerre. A
 tout cela nous auons conuiué, ou pour le
 moins ne l'auons pas fait reparer, comme
 il eust esté bien raisonnable, pour sur les dis-
 puttes des circonstances, ne rompre pas sur
 le fait principal, nous fusmes bien aduertis
 que lors de ladicte trefue, tous les chefs de
 ladicte Ligue se firent vn serment recipro-
 que les vns aux autres, en la presence du
 Cardinal de Plaisance, & des ministres d'e-
 spagne, qui est par escrit, & signé de leurs
 mains, qu'ils ne traicteroient iamais aucune
 paix ou accord avec nous: En plusieurs de
 leurs lettres escrites à Rome, & en Espai-
 gne, ils ont protesté de mesme, & encores
 pis. Ce que la reputation que leur aurions
 fait faire d'aucunes desdites lettres, & mes-
 mes d'vne ou ladicte promesse estoit trans-
 critte, les auoit contraint d'aduouer, & ne-
 antmoins apres quelques excuses qu'ils en
 auoient faites pour nous faire entendre
 que ce leur auoit esté vn remede necessaire

aux accidens presens, dont ils estoient pres-
 fez, ayans toutesfois autre intention. Le pre-
 mier terme de ladicte trefue estant pres à
 expirer, il nous firēt rechercher d'en accor-
 der vne prolongation de deux mois, avec
 protestations confirmees par sermens, &
 legations particulieres, que ce n'estoit que
 pour attendre la responce de sa Saintete, et
 auoir loisir de conclurre la paix, comme ils
 asseuroient de la vouloir resoudre dans la
 fin du present mois, nous conjurat au nom
 du bien, & repos public, de ne leur desnier
 ladicte prolongation, laquelle bien qu'elle
 nous fust suspecte & desauantageuse, tou-
 tesfois nous voulusmes bien leur accorder
 pour iustifier tousiours à tous noz subiects,
 que tout nostre principal soing & desir e-
 stoit de paruenir à la paix, & que nous auōs
 tāt les yeux ouuerts à tout ce que l'on nous
 propose y pouuoit seruir, que nous les a-
 uons plus cloz, & fermez aux aduantages
 que nous pourrions recouurer par la guer-
 re, à laquelle nous ne pouuōs retourner que
 avec extreme regret & desplaisir, maintenāt
 que nous sommes sur la fin du cinquiesme
 mois qu'a dure ladicte trefue, sans qu'il y
 ayt aucun aduancement à la fin pour la-

quelle elle auoit esté faite, ils nous font re-
 chercher d'une nouvelle prolongation de
 trois mois ; mais tant s'en fault qu'ils ayent
 apporté quelque nouuel aduantage, ou per-
 suasion pour la paix, qu'au contraire s'en
 monstrans plus eslongnez que iamais, ils
 offrent seulement qu'un mois aupara-
 uant ladicte prolongation expirée, ils
 declareront s'ils traicteront de la paix ou
 non, & que pour nous oster l'apprehensio
 que les forces estrangieres qui sont sur la
 frontiere n'entrent en ce royaume, pendant
 ladicte prolongation, qu'ils nous donneront
 leur foy qu'elles ny entreront point, ou si
 elles y entrent qu'ils se iointrôt à nous pour
 les empescher de faire aucun progrez pen-
 dant ladicte trefue: Et combien que lesdites
 propositions fussent si impertinentes qu'el-
 les ne meritoient aucune respóce, puis qu'il
 se voyoit qu'ils n'estoient pas seulémēt in-
 certains sur les conditions de la paix, mais
 qu'ils l'estoient encores s'ils la debuioient
 vouloir ou non, & puis le peu d'apparanco
 qu'il y a que nous deussions commettre sur
 leur foy, & sur leur force nostre vie, & no-
 stre Estat, nous tenant desarmez pour de-
 meurer à la discretion de leurs estrangiers:

Toutesfois nous ne laiffasmes de leur faire ceste responce, que combien que par toutes raisons nous ne deuions plus accorder aucune nouvelle prolongation, neantmoins pour monstrier qu'il n'y a pris de peine, & de patience que nous n'acheptions pour recouurer la paix s'il nous est possible, que nous continuerons ladicte trefue pour vn moys: A la charge de resouldre la paix dās ledit tēps, & ausi qu'il fust pourueu au soulagement du pauure peuple pour le payement des tailles. Ce qu'ils n'ont voulu accepter, qui est vn euident tesmoignage que leurs intentions n'ont iamais esté bonnes au fait de ladicte trefue, & qu'ils ne l'ont recherchiee que pour gaigner temps, pour se mieux preparer à l'iuasion ou dissipation de cest Estat. Ayant ausi de nostre part considéré quelles sont leurs procedures, & par les dernieres fait iugement de ce qui estoit incertain des premieres, mesme cōme ilz abusent du nom de sa Saincteté, & que ceste consulation qu'ils publient luy vouloir faire auant que de traicter de la paix, Et laquelle ils luy veulent faire valloir pour vn honneur qu'ils luy deferent, & au cōtraire vn opprobre à sa dignité: Car puis que le principal

principal point est de ſçauoir ſi elle ap-
 prouera noſtre conuerſion, qui eſt le plus
 grand blaſpheme qui luy pourroit eſtre fait,
 q̄ d'en doubter. Si le premier ſoing & la plus
 grande gloire qu'elle puiſſe receuoir en ce-
 ſte dignité eſt d'augmenter & croiſtre l'E-
 glife Catholique: Si les Turcs & meſercans
 y ſont touſiours admis avec ioye & alle-
 greſſe de tout le ſainct conſiſtoire, & font
 de leur admiſſion vne feſte ſolemnelle, cō-
 me d'un precieux butin & threſor acquis à
 l'Eglife de Dieu, Que doit on eſperer de
 ce ſainct Pere qui eſt recommandé de tou-
 te integrité, & ſaincteté de vie, ſinon qu'il
 aura receu la nouuelle de noſtre conuerſiō,
 & de la reconciliation avec elle, & le ſainct
 ſiege du ſils ainé de l'Eglife, avec le plus
 grand contentement qu'il euſſent ſceu de-
 ſirer, qu'il nous y cōfortera, & ſ'en cōſoui-
 ra avec nous, & ſe tiendra offencé que ſa vo-
 lonté aye eſté ſur cela tenue en incertitude.
 Il a auſſi bien paru que leſdits chefs de la
 Ligue ont plus craint en cela que deſiré ſon
 iugement: car ſ'ils le vouloient ſçauoir ils
 ont d'ordinaire pres d'elle pluſieurs Agents
 qui les pouuoient bien eſclarcir, mais tant
 ſ'en faut que ce fuſt leur charge que ce l'eſt

au cōtraire d'y opposer le plus de tenebres
 & d'obscurité qu'ils peuuent pour l'empef-
 cher d'y rien congnoistre: & quand ils euf-
 sent voulu faire pour cela vne legation ex-
 pressé, comme ç'a esté tousiours leur princi-
 pale excuse cinq mois entiers qu'a duré la-
 ditte trefue, elle leur en auoitourny du
 tēps, & de loisir assez: mais c'estoit pour la
 ville de Lyō qui estoit de l'instructiō desdits
 deputez, & pour y recueillir le fruct de la
 sedition qu'ils y ont esmeue. Aussi est ce là
 où ils se sont arrestez, & donc le plus confi-
 dent desdits deputez est retourné de deçà,
 au lieu de passer à Rome: Qui fait bien
 congnoistre qu'il a tenu sa charge acheuee
 en ce qu'il a traicté pour son maistre audit
 Lyon: Et si les autres ont acheué le voya-
 ge, il a assez d'occasion d'en cōiecturer pis,
 puis qu'il y en a qui font ledit voyage aux
 despens du Roy d'Espagne, comme les let-
 tres d'aucuns d'eux en font foy, qui est vne
 forte presumption qu'il n'en feroit pas la
 despence, s'ils n'y alloient pour son seruice,
 voyant d'ailleurs que pendant le temps de
 ladicte trefue, ils n'ont cessé de pratiquer tāt
 dedans que dehors le royaume, pour y en-
 flammer tousiours le feu d'auantage, au lieu

que nous portons tout ce que nous pourrions
pour l'esteindre. Que pendant icelle au-
cuns de leur faction ont fuscité des assassins
pour attenter à nostre personne, l'un des
quels ayant esté pendant que nous estions à
Melun au moys de Septembre dernier, mi-
raculeusement prins, & confessé par qui &
comment il auroit esté practiqué à ce faire,
fut executé audit Melun, sans que lesdicts
Chefs ayent iamais fait aucune démonstra-
tion de vouloir sçauoir, & faire chastier les
complices & conseillers d'un tel forfait qui
sont parmy eux, que les aduiz nous viennent
tous les iours qu'ils hastent & pressent les
forces estrangeres qui leur sont promises le
plus qu'ils peuuent: que desia il y a vne tres-
grande quantité de prestes, qui se sont si ad-
uancees de nostre frontière, qu'en deux iours
elles peuuent estre dans ce royaume, & que
tout leur principal but est de se retrouuer
tellement forts, qu'ils puissent eux mesmes
ordonner de ce qu'ils monstrent vouloir te-
mettre en conference, & redre mesmes tout
ce qui en seroit ordonné par la Saincteté,
qui ne doibt estre que conforme à la raison,
& à la iustice, inutile, & sans effect. Ainsi
ayant clairement recongnu que pendant

que tous noz desirs & cogitations sont à la
 paix, que nous prions Dieu incessamment
 de la nous donner, & en les des tournant des
 intentions de continuer à mal faire, nous
 deliurer de la necessité de nous en ressen-
 tir. Eux au contraire au lieu de se seruir de
 la trefue pour penser à la paix, ils ne s'en
 seruent qu'à se preparer & munir pour vne
 nouvelle guerre. Que ce pendant toubz le
 nom de ladicte trefue les partialitez, & la
 rebellion s'affermiscent tousiours d'auanta-
 ge, que noz subiects en sont plus chargez,
 & opprimez par les tributs, subsides, & im-
 positions, que les ennemis ont eu permissio
 de prédre & leuer sur eux à l'esgal de nous,
 dont ils font encotes les exactions si violen-
 tes, & si cruelles, que le soulagemēt que nous
 pensions leur donner par ladicte trefue leur
 est pire & plus insupportable que la mesme
 guerre: & puis qu'ils n'ont point voulu cō-
 prendre l'intention de Dieu en l'effect de
 nostre Conuersion, du premier iour de la-
 quelle les armes leur deuoient tomber des
 mains, puis qu'aussi l'ambition & l'auarice
 sont en eux plus puissantes que la nature,
 ayans en faueur des estrangers, & sur l'appas
 des commoditez qui leur en sont promises.

conuie contre leur propre patrie, nous auons resolu avec l'aduis des Princes, officiers de la couronne, & autres Seigneurs de nostre conseil qui sont pres de nous, pour ne nous redre plus coupables de ces maux & indignitez en les endurar, & que la coulpe d'autruy ne soit à nostre blatme & reproche, de ne leur accorder aucune prolongation de trefue, ne l'ayans voulu accepter aux conditions que leur aurions proposees pour la reconciliation generale de ce royaume, & le soulagement de noz subiects: ce qui nous contrainct recommencer à leur faire la guerre. Et combien qu'elle nous soit contre eux iuste & necessaire, puis que la raison & la iustice n'a plus de lieu enuers eux. Nous protestons toutesfois deuant Dieu & les hommes, que c'est avec vn extreme regret, qu'il nous en faut venir à ceste extremité, & vne tres grande commiseratiõ que nous auons des ruines & oppressions que noz pauques subiects en pourront souffrir, & mesmes du preiudice & scandale qui en aduendra à la religion Catholique, encores que nous estimions en estre. suffisamment iustifiez, ayans fait enuers eux tout ce que nous auons deus, & peu, & plus que

nous ne deuions pour euitier ce malheur. Mais, ce renouvellement de guerre fera pour le moins la distinction certainé de ceux d'entr'eux qui ont tenu ce party par le seul zelle de religion ou des autres qui s'en sont seruis seulement de pretexte, pour couvrir leur malice & desloyauté. Car les premiers se reüniront promptemēt à Nous, et ne voudront plus estre de ceste semēce tyneste à la France, qui a nourry en eux comme les viperes les causes de sa ruine. Nous esperons aussi que ceux du Clergé de la noblesse, des villes & des peuples congnoistront maintenant bien clairement ce qui leur en a esté tousiours predit, puis que leurs mesmes Chēfs ne le nient plus, & que leurs pretextes leur estans faillis auant qu'ils soiet paruenuz à leurs desseins, ils se seruent maintenant publicquement d'autres, qui plus declarent appertement sur l'inuasion chaēun à ce qui luy est plus propre & commode, se saisissant par surprinse des villes mesmes qu'ils tenoient, comme il a esté fait depuis peu de iours de celle de Rheims, en laquelle on designe à la veue des habitans vne tres-forte Citadelle, qui est vn preiudice pour toutes les autres prin-

cipalles villes qui ont iusques icy tenu pour
 eux: Mais nous n'asleurôs qu'elles secoue-
 ront maintenant le ioug de ceste tyrannie,
 & iugeront bien qu'il n'y a rien si incon-
 stât que la puissance qui n'est soutenue de
 ses propres forces, & qui depend de la vie,
 de la volôté, & de la fortune d'autrui: & au
 reste que leur plus grâd malheur viêt d'ou
 ils esperoient plus de bien, & que leur ne-
 cessité croist tousiours par le secours que
 l'on leur donne: Ce faisant qu'ils se redui-
 ront auec nous, pour repousser les iniques
 efforts de celuy auquel le tiltre d'auteur &
 fauteur de la rebellion appartient mieux
 que celuy de protecteur de la religion qu'il
 se veut attribuer: Et pour de nostre part
 faire encores vn effort de nostre clemence,
 à ce que chacun congnoisse qu'elle est l'a-
 mour & bien-veillance que nous portons
 generallement à tous noz subiects, & la
 bonté dont nous voulons vser enuers eux.
 Nous exhortons tous Princes, Prelats, Sei-
 gneurs, Gêtilshommes, Officiers, villes, cō-
 munautez, & generallement tous nosdicts
 subiects qui se sont cy deuant separez de
 nous, & les coniuirôs au nom de Dieu, par le
 debuoir enuers nous & leur patrie, & à leurs

familles & fortunes, de se departir de toutes ligues & associations, tant dedans que dehors ce royaume, faictes au preiudice de nostre seruice, du biē & repos de cest Estat, & se reünir à nous, & par consequent au corps des vrays François, bons & fideles subiects de leur Roy & Prince naturel: Et pour nostre regard nous leur ouurons & tendons les bras pour les receuoir non seulement avec perpetuelle oubliāce des choses, passees contre nous, & nostredit Estat, mais avec la participation que nous leur offrons en nostre affection & bonne volonte, indifferemment comme noz autres bons subiects: Protestans de donner & remettre au public toutes les iniures passees, & n'en garder iamais aucune souuenance ne volonte de nous en ressentir, imputant la principale cause du mal qui est aduenu aux iniustes desseings de noz voisins anciens ennemis de cest Estat, qui poussez de long tēps d'une insatiable ambition de veoir la France assubiectie à l'Espagne, & la iugeans intinçible à routes autres nations, ont pensē qu'il la falloit vaincre & surmonter par elle mesme, & que le moyen d'y paruenir estoit de la diuiser, dont nous esperons avec
 l'ayde

23
l'ayde de Dieu les bien empescher, & d'au-
tant que nosdits subiects qui ont ainsi que
dit est, esté iusques icy separez de nous, se-
roient peut estre retenuz de prendre vne
bonne resolution, pour crainte d'encourir
les peines portees par noz precedens Edicts.
Comme ce sont les terreurs que leur pro-
posent les ministres d'Espagne, voulât per-
suader cōme ils sont implacables, que nous
le soyons aussi: Pour leur pourueoir contre
ladiçte apprehension du tesmoignage de
nostre bonne volonté, & la rendre aussi pu-
blique & manifeste, Nous de l'aduis de
nostredit Conseil: Auons dit déclaré, &
ordonné, que tous lesdits Princes, Prelats,
Seigneurs, & autres noz subiects, tant du
Clergé, Noblesse, que du tiers Estat, les vil-
les, bourgs, & communantez, & generale-
ment tous nosdits subiects de quelque qua-
lité & condition qu'ils soient, qui se sont cy-
deuant separez de nous, qui dans vn mois
apres la publication de ces presentes aux
villes de nostre obeissance, selon le reliort
dont ils seront, se voudront retirer du mau-
uais party qu'ils ont cy deuant tenu, & renō-
cer à toutes ligues, & associatiōs, dedāstant

que dehors ce royaume , pour se donner à nostre seruire , & nous rendre la fidelité & obeissance qu'ils nous doibuent, ils y seront receuz, & restabliz au nombre de noz bons subiects : Auec pardon & grace de tout ce qu'ils peuent auoir demerité de nous , & des peines esquelles ils seroient encouruz, suyuant noz Edicts & declarations sur ce faites : Et ce faisant qu'ils seront pareillemēt restituēz dès à present, comme aux cas susdits , nous les restituons en leurs biens, offices, benefices, & dignitez, & leur en faisons pleine, & entiere main leuee, à la charge de nous faire dans ledit temps le serment de fidelité, & obeissance pour ce necessaire: Assauoir les Princes, Prelats, & Seigneurs , & les principales villes en noz mains , ou par leurs procureurs fondez de bonnes suffisantes procurations, si des lieux où ils seront ils peuent estre à nous dans huit iours, Sinon en cas de trop longue distance, ou autre empeschement feront ledit serment & declaratiōs es mains du gouuerneur ou Lieutenant general de la province, & dès le iour qu'ils l'auront fait , seront tenuz , & traictēz comme noz serui-

13
eurs & bons subiects, à la charge toutes-
fois de faire encore ledit serment en noz
mains, ainsi que dit est, & pour les autres, es
Greffes de noz bailliages & seneschauillees
ou leursdits sermens seront enregistrees, &
seront nosdits baillifs & seneschaux tenuz
d'en aduertir incontinent les Gouverneurs
generaux de noz prouinces, qui aurôt ausi
soing de le nous faire entendre, sans que
ceux qui n'y seront du benefice des presen-
tes dans ledit temps, soient plus receuz à
s'en ayder: Iceluy passé reuoquant dès à
present ledit terme d'un moys expiré apres
la publication de ces presentes en nosdites
villes, comme dit est, toutes mains leues,
passeports, & sauuegardes, qui leur ont esté
cy deuât par nous accordees, sans qu'il leur
puissent aucunement valoir, ny que par nos
officiers, gens de guerre, & autres noz bons
subiects, il y soit aucunement defere. Man-
dons & enioignons à nosdites Cours de
Parlemens, Baillifs, Seneschaux, & autres
noz officiers à qui il appartiendra, que con-
tre ceux qui par leur constumace & opinia-
streté se rendans indignes de nostre presen-
te grace, ils ayent à proceder comme il est

ordonné estre fait contre criminels de leze
 Majestéu premier chef. Voulons & ordō-
 nons aussi que toutes les villes qui seront
 reprinſes par force ſoient en perpetuelle
 memoire de leur desloyauté desmantelees,
 & generallyment, que tous, lesdits rebelles
 ſoient traittez comme perfides à leur Roy,
 & deserteurs de leur patrie. Si donnons en
 mandemens à noz amez & feaux les gens
 tenans noz Cours de Parlement, que no-
 ſtre presente declaration, ils facent lire, pu-
 blier, & enregistrer, entretenir, garder, &
 obseruer sans y contreuenir ny souffrir y
 estre contreuenu en aucune maniere : & à
 noz Baillifs, Seneschaux, leurs Lieutenans,
 faire le semblable en leurs sieges & res-
 sorts d'iceux. Mandons pareillement aus-
 dits Gouverneurs, & Lieutenans generaux
 de noz prouinces, la faire aussi garder & en-
 tretienir en ce qui peult dependre de leurs
 charges pour l'execution d'icelles : Car tel
 est nostre plaisir. En tesmoing de ce nous
 auons fait mettre nostre seel à cesdictes
 presentes. Donnè à Mante le vingtseptief-
 me iour de Decembre, l'an de grace mil
 cinq cens quatre vingts & trois, & de no-

stre regne le cinquiesme.

Ainsi signé

HENRY.

Et plus bas

Par le Roy estant en son conseil,

FORGET,

Et scellé du grand seau de cire iaulne en double queue.

*Leuës, publiees, & registrees, ouy & ce
requerant le Procureur general du Roy pour
iouyr de l'effect d'icelles selon leur forme &
teneur, par les Gentilshommes & autres
portans les armes, villes, communautez,
chasteaux, forteresses, & habitans en icel-
les, qui volontairement feront submission
d'obeissance au Roy, excepté ceux qui se
trouueront chargez, & coupables du tres-*

cruel, tres-inhumain, & tres-deteſtable
 parricide commis en la perſonne du feu Roy
 Henry troiſieſme, d'heureuſe memoire, &
 qui ont conſpiré & attente a la perſonne du
 Roy Regnāt. Et pour le regard des particu-
 liers ſorians des villes qui ne ſe deſpartirōt
 de la rebellio, iouyront deſdites lettres aux
 charges & modifications contenues au re-
 giſtre. Ordonne la Cour que coppies colla-
 tionnees ſeront enuoyees aux bailliages &
 ſeneſchauffees de ce reſſort, pour y eſtre leues,
 publiees, & regiſtrees: Enioint aux Bail-
 lifs & Seneschaux faire proceder a la pu-
 blication, & aux Subſtituts du Procureur
 general du Roy tenir la main a l'execution,
 & certifier la Cour des diligences qu'ils au-
 ront faietes au mois, a peine d'en reſpondre
 en leur priue nom. A Tours en Parlement
 le premier Feburier, 1594.

Signé, TARDIEV.



